

*Centro A.* darnach leg das Lineal auff den Krebs Circel / außert dem Quadranten vnd *Diameter*, vnd auff den sehgemelten grad der abneigung / vnd wo das Lineal den halben *Diameter A.C.* durchschneit / da mach ein puncten / spann den Circel alsdann vom *Centro A.* in disen puncten / vnd reiß ein Circelbogen für den Wider vnd die Wag.

Weiters auff das ort oder puncten / da der sehgemachte Circelbogen des Widers vnd der Wag / den *Diameter* vnd die linien der abneigung / (namblich welche durch den 23. gr. 30. min. vnd dem *Centro* geht) durchschneit / leg dein Lineal / vnd nimb wahr / wo der halbe *Diameter A.C.* berührt wirt / daselbst mach ein puncten / zu dem Circelbogen des Steinbocks / so hast die zwen *Tropicos*, sampt dem *AEquinoctio*, namblich / des Krebs / da der lengste Tag erwindt / des Widers vnd der Wag / da Tag vnd Nacht gleich sind / vnd des Steinbocks / da der Tag zum kürzesten ist.

Auff ein ande. e vnd leichtere manier / den Thierzircel in das Mittägig Leitterlein zubringen / magst die linien *A.C.* in 90. gleiche theil außtheilen / vom Krebs Circel bis zum *Centro*, diser theilen nimb 6. zum Zwilling vnd Löwen / item zum Stier vnd Jungfraw / nimb 17. gr. 45. min. item zum Wider vnd Wag / nimb 31. gr. 30. min. item zum Zwilling vnd Scorpion / nimb 42. gr. item zum Wasserman nimb 49. gr. vnd zum Steinbock nimb 52. grad.

Jehunder ein jedes zeichen in 3. theil zubringen / namblich von 10. zu 10. graden. So nimb abermahlen in der linien *A.C.* für den 10. gr. des Krebs 1. gr. für den 20. nimb in 3. gr. Item für den 10. gr. des Löwen / nimb 2. gr. 30. min. für den 20. des Löwen 13. gr. 15. min. item für den 10. gr. der Jungfraw / nimb 22. gr. vnd für den 20. Jungfraw / nimb 26. gr. (verstand allwegen in der linien *A.C.*)

Item für den 10. gr. der Wag / nimb 34. gr. 45. min. vnd für den 20. der Wag / nimb 38. gr. 30. min.

Item für den 10. gr. des Scorpions / nimb 45. gr. vnd für den 20. des Scorpions / nimb 47. grad.

Item für den 30. gr. des Schützen / nimb 50. gr. vnd für den 20. gr. des Schützen / nimb 51. gr. So hastu den Thier Circel im Mittägigen Leitterlein / wie die Figur Numero 4. für augen stelle.

R